

সংবাদ

জেএসসি পরীক্ষা দ্বিতীয় দিন অনুপস্থিত ৬২ হাজার

নিজস্ব বার্তা পরিবেশক

জেএসসি ও জেডিসি পরীক্ষার দ্বিতীয় দিন সারাদেশে ৬২ হাজার ১১৮ জন পরীক্ষার্থী কেন্দ্রে অনুপস্থিত ছিল। আর বহিষ্কার হয়েছে ২৩ জন। আন্তঃশিক্ষা বোর্ড সমন্বয় সাব-কমিটির এক সংবাদ বিজ্ঞপ্তিতে এ তথ্য জানানো হয়। গতকাল সকাল ১০টা থেকে ১টা পর্যন্ত জুনিয়র স্কুল সার্টিফিকেট (জেএসসি) পরীক্ষার বাংলা দ্বিতীয়পত্র ও জুনিয়র দাখিল সার্টিফিকেট (জেডিসি)-এর আকাইদ ও ফিকহ বিষয়ের পরীক্ষা হয়। জেএসসি ও জেডিসিতে প্রথম দিনের জেএসসি : পৃষ্ঠা : ১৫ ক : ৬

জেএসসি : পরীক্ষা (১ম পৃষ্ঠার পর)

পরীক্ষায় ৫৯ হাজার ৬৬১ জন পরীক্ষার্থী কেন্দ্রে অনুপস্থিত ছিল এবং একজন পরিদর্শকসহ ১৫ পরীক্ষার্থী বহিষ্কার হয়েছিল। দুই দিনে বহিষ্কৃত শিক্ষার্থীর সংখ্যা দাঁড়ালো ৩৭ জন। অনুপস্থিত শিক্ষার্থীদের মধ্যে ঢাকা বোর্ডে ১২ হাজার ৪৩০ জন, রাজশাহীতে চার হাজার ৮৯৩ জন, কুমিল্লা বোর্ডে ছয় হাজার ৪১০ জন, খশোরে পাঁচ হাজার ৮৪ জন, চট্টগ্রামে দুই হাজার ৭১৮ জন, সিলেটে দুই হাজার ৬৯৯ জন, বরিশালে তিন হাজার ৩০৯ জন, দিনাজপুর বোর্ডে তিন হাজার ৬৬৬ জন এবং মাদ্রাসা বোর্ডে জেডিসিতে ২১ হাজার ১০৯ জন। বহিষ্কৃত পরীক্ষার্থীদের মধ্যে মাদ্রাসা শিক্ষা বোর্ডের ১৮ জন, জেএসসিতে দিনাজপুরে ছয়জন এবং কুমিল্লা বোর্ডের দুই জন। জেএসসি ও জেডিসি পরীক্ষায় এবার ২২ লাখ ৪৫ হাজার ১৫৫ জন শিক্ষার্থী অংশ নিচ্ছে। দেশের দুই হাজার ৭৩৪টি কেন্দ্রে ২৮ হাজার ৭৬১টি প্রতিষ্ঠানের শিক্ষার্থী জেএসসি ও জেডিসি পরীক্ষায় অংশ নিচ্ছে। জেএসসি ও জেডিসিতে এক থেকে তিন বিষয়ে অকৃতকার্যরা পরের বছর ফেল করা বিষয়গুলোতে পরীক্ষা দেয়ার সুযোগ পায়।